

gitur eos jussos esse crucifigi. Similiter Theodoreetus Q. 52 in Numer. dicit: *Cum populus peccasset, suspensi sunt principes, ut qui malum ab illis non depulissent.* Idem sentiunt Procopius, et Origenes, et inter recentiores Vatablus, Lyranus, et Barradius, qui pro hac sententia etiam citat Genebrardum, Rupertum, et Bellarminum.

Obj. I. Versu 5: *Dixique Moyses ad judices Israel (quos ḡ. 4 vocaverat principes, seu ut habetur hebreice, capita populi, quia instar capitum eum regunt) occidat unusquisque proximos suos, qui initiati sunt Beelphegor: ex quo patet principes illos supra a Deo tolli jussos, non ut suspenderentur, sed ut officio suo fungerentur in discernendis et puniendis reis.* Ita Jansenius.

R. quod Jansenius, et alii gratis assumant eosdem ḡ. 5 vocari judices, qui ḡ. 4 appellantur principes: Judices enim erant illi 70 viri de senibus Israel, quos supra c. XI, 16, Deus Moysi associaverat: principes autem erant capita, seu principes tribuum, aut saltem capita cognationis seu familiarium: ut dictum est cap. I, Q. II.

Obj. II. Non est verisimile omnes principes hic apostatasse a Deo, esseque suspensos: imo contrarium constat ex eo, quod post hac Zambri princeps tribus Simeon, fornicans cum Madianitide, non suspensus, sed a Phinees pugione confossus sit, ḡ. 14. Ita A Lapide.

R. nec etiam omnes fuisse suspensos, sed tantum filios, qui deprehensi sunt rei; quorum supplicio non territus Zambri ausus est crimen adhuc postea committere: unde dum ḡ. 4 dicitur: *Tolle cunctos principes, subintelligitur, cunctos qui rei sunt.*

Obj. III. Texius chaldaicus habet: *Tolle omnes principes, et occide illum, qui reus fuerit:* ergo jussit illos congregari tanquam judices.

R. neg. conseq., quia sensus est: Ex principibus congregatis occide illum vel filios, qui rei sunt.

QUÆSTIO II. — QUOMODO SUBSISTAT FOEDUS SEMPERI-
NUM, QUO DEUS PROMISIT PHINEES SUMMUM SACERDOTIUM.

Cap. XXV, 6: *Et ecce unus de filiis Israel (erat hic princeps tribus Simeon, nomine Zambri) intravit coram fratribus suis ad scortum madianitidem. Erat filia principis nobilissimi Madianitarum, ut patet ex ḡ. 15. Erant enim in Madian quinque principes, qui etiam infra cap. XXXI, 8, reges vocantur.*

ḡ. 7: *Quod cum vidisset Phinees filius Eleazar, filii Aaron sacerdotis: magnus fuit hic zelus, et fortitudo Phinees, qui utrumque, scilicet et virum et mulierem occidit; poterat enim merito timere ne tota tribus Simeon in eum pro principe suo insurgeret, eumque lapidibus obrueret.*

ḡ. 12: *Ecce do ei pacem foderis mei, id est, ineo cum Phinees foedus pacificum, quo secure et pacifice perfruerit.*

ḡ. 13: *Et erit tam ipsi quam semini ejus pactum sacerdotii sempiternum. Loquitur Dominus de summo sacerdotio. Fuit autem hoc pactum sempiternum*

alternatae legis, id est quandiu lex vetus duravit.

Obj. I. Ex lege, et iure gentium, debebat Phinees, utpote primogenitus, succedere patri Eleazaro: ergo nihil beneficii specialis ei confertur.

R. Neg. conseq. siquidem specialis Dei favor est: 1. quod assecetur hie ipsi longior vita, scilicet quod supervicturus sit patri, cui in pontificatu succedit; 2. quod habiturus sit similiter filios haeredes sui sacerdotii, et ipsi similiter, etc.

Obj. II. Quomodo subsistit hæc promissio Dei facta Phinees, cum post pronepotem ejus, translatus fuerit pontificatus ad Heli, qui erat de familia Ithamar patrui Phinees? Siquidem, ut tradit Josephus lib. V Antiq. cap. ult., et lib. VIII, cap. 1, Eleazaro in pontificatu successit Phinees, huc filius Abisue, huic filius Bocci, huic filius Ozi, a quo translatus est pontificatus ad Heli, qui fuit de familia Ithamar; ut patet ex lib. I. Paralip. cap. XXIV, 5.

R. cum Dionys. Carthius, alisque præclaris interpretibus, foedus hoc fuisse conditionatum, si nempe posteri ejus in fide et cultu Dei constanter perseverarent. Sic enim foedera, quia mutua, obligationem utrimque inducere solent.

Hinc vi istius foederis factum videtur, quod resipescientibus posteris Phinees, quod contigit tempore Davidis et Salomonis in Sadoc, qui I Paralip. XII, 28, vocatur puer egregie indolis, summum sacerdotum illis iterum redditum fuerit, et illud deinceps retinebant in sua familia. Hinc

Nota quod post Heli in pontificatu successerit Achitob, qui fuit nepos Heli ex filio ejus Phinees; post hunc Achitob successit Achias, deinde Achimelech, deinde Abiathar: atque ab hoc rursus redit pontificatus ad familiam Phinees per Sadoc, qui, ejecto Abiathar filio Achimelech de posteris Heli, sacerdotium, generi suo debitum, per Salomonem recuperavit, III Reg. II, ḡ. 33.

Cap. XXVI, 1: *Postquam noxiorum (scilicet filiorum qui cum filiabus Moab et Madian fornicati fuerant) sanguis effusus est, dixit Dominus ad Moysen et Eleazarum: ḡ. 2: Numerate omnem summam filiorum Israel. Fuit haec tertia populi numeratio, in qua iterum numerati sunt a 20 annis et supra, ut nempe recenserentur viri bellatores; quia proxime bellatores erant cum Chanaeis.*

ḡ. 12: *Fili Simeon, etc., Gen. XLVI, 10, et Exod. VI, 5, numerantur sex filii Simeonis, hic vero tantum quinque: omittitur enim Ahod sextus. Videtur ergo vel sine liberis mortuus, non constituisse familiam, vel certe ejus familia postea interisse, nec sortem habuisse in terra Chanaea. Simile quid observare licet respectu Benjamin, cuius in Gen. numerantur decem filii, hic solum quinque.*

Porro ex praesenti numeratione patet, valde minutam fuisse tribum Simeonis: nam in priori enumeratione, numerata sunt capita hujus tribus 59,300, ut patet supra cap. II, 13; hic vero tantum numerantur 22,200: adeoque diminuta est hæc tribus 37,100 capitibus.

Moses mire sollicitus de salute populi, dixit Domino ḡ. 16: *Provideat Dominus Deus spiritum omnis carnis hominem, qui sit super multitudinem hanc. Deum appellat spiritum omnis carnis, id est omnium animalium que sunt in carne rationis participes.*

ḡ. 18: *Dixitque Dominus ad eum: Tolle Josue filium Nun, in quo est Spiritus. Sumitur hie Spiritus pro Spiritu. S. ejusque donis ad regendam rempublicam necessariis. Unde chaldaeus verit: In quo est Spiritus prophetia. Congregavit ergo Moses omnem populum, et coram Eleazaro summo sacerdote statuit Josue, et imposuit manus suas super caput ejus: et hac cæremonia creavit eum principem populi. Quinto Deut. XXXIV, 9, dicitur: Josue vero filius Nun repletus est Spiritu sapientiae, quia Moyses posuit super eum manus suas.*

QUÆSTIO II. — DE NEOMENIIS ET FESTO TUBARUM.

Cap. XXVIII, 11: *In calendis autem offeretis holocaustum Domino. Hebreice habetur: In capite mensum; grace: In neomeniis, id est in noviluniis: nam ipsorum menses a novilunio incipiebant.*

Volut autem Deus has calendas, sive novilunia sibi consecrari, quia erant primitæ mensum. Quod calendæ celebrarentur per festum proprie dictum, asserit hoc loco Tirinus; sed negant Jansenius et A Lapide, qui censem primam diem mensis non fuisse proprie festum in populo, sed sacrum in templo; licet forte multi ex devotione ab opere servilli in noviluniis prohibentur.

Dices: Psal. LXXX dicitur: *Buccinate in neomenia tuba, in insigne die solemnitatis vestrae.* Ergo calendæ celebraabantur per festum proprie dictum.

R. Neg. conseq., quia ibi non agitur de primo die eiuslibet mensis, sed de novilunio septimi mensis, in quo celebrabatur festum Tubarum in gratiarum actionem collectæ et peractæ vindemie, ut indicat titulus istius psalmi, qui inscribitur *Pro torcularibus.*

Cap. XXIX, 1: *Mensis etiam septimi prima dies venerabilis et sancta erit. Agitur de festo Tubarum, ita vocato, quia in eo clangebatur tubis; unde additur: Omne opus servile non facietis in eo, quia dies clangoris est et tubarum.*

R. et dico I: Festum illud non est institutum in memoriam liberati Isaac ab immolatione, et substituto in ejus locum arietem, ideoque cornibus arietinis clangi solitum, ut tradunt Hebrei: 1. Quia nulla alia festa instituta sunt in memoriam aliquius particularis, saltem a Deo, sed in memoriam aliquius publici beneficii. 2. Quia alias debuissent plura alia festa institui, v. g., ob memoriam liberationis Abrahæ a multis periculis mortis in aula Pharaonis, etc., liberationis Jacob a Laban et Esaū: liberationis Josephi a fratribus, a Puthiphar et carcere, etc.

Dico 2. Probabilis videtur hoc festum institutum esse, ut isto clangore tubarum homines admonerentur se preparare ad alia festa, quæ hoc cap. illo eodem mense septimo celebranda prescribuntur: nam

hic mensis plura festa habebat, quam alii, scilicet festum *Expiationis*, in quo omnes debebant culpas toto anno contractas, expiare; adeoque concernebat omnes omnino: item festum *Scenopegiae seu Tabernaculorum*. Item, ut dicit R. Salomon, prima die mensis septimi clangebatur tubis, quia illo mense incipiebat annus civilis. Addit Frassen festum *Tubarum institutum* suis in memoriam expugnationis urbis Jerichonitæ, cuius muri tubarum sonitu eversi sunt. Sed non videtur reflectere quod Jericho nondum esse eversa, dum hoc festum institutum est.

CAPUT XXX.

Indulget Deus ut pater votum filiae, maritus uxoris irritare possit, dummodo contradicat statim, id est primo die, quo rescivit.

QUÆSTIO PRIMA.—AN SPONSUS POTUERIT IRRITARE VOTUM SPONSÆ.

Vers. 4: *Mulier si quidpiam voverit... in aitate adhuc puellari: si cognoverit pater votum... et tacuerit. Hinc non poterat pater dissimulare responsum, aut plus justo differre: alias*

Votum rea erit, id est, tenebitur adimplere; et consequenter pater non poterit illud postea irritare.

¶. 6: *Sin autem statim ut audierit, contradixerit pater, et vota et juramenta ejus irrita erunt. Quod hic requiratur ut statim contradicat, sive irritet et dissolvat votum, moraliter intelligentius est, scilicet eodem die, non eodem instanti: nam sequenti die contradicere non poterat; ut habetur ¶. 15.*

¶. 7: *Si maritum habuerit, et voverit aliquid. Judei per maritum intelligent sponsum, ut distinguant hunc casum ab illo qui habetur ¶. 11: Uxor in domo viri cum se voto constrinxerit. Sed quod tam hic, quam ¶. 11 intelligentius sit maritus, interpretes deducunt ex hebreo, chaldaeo et LXX, ubi habetur: Si fuerit viro; haec enim phrasis apud Hebreos significat nuptiam, et viro traditam. Unde, ut observavit Lyranus, cum aliis, distinctio inter casum ¶. 7 et 11 haec statui potest, quod in priori casu agatur de nupta, quæ simul cum marito adhuc habitat in domo patris sui, ut insinuetur quod hujus voti irritatio ad maritum pertineat, non ad patrem, cui adhuc cohabit: in posteriori vero casu agatur de nupta, quæ habitat in domo mariti, extra domum patris.*

Vel dici potest quod ¶. 7 fiat mentio de puella, quæ in domo paterna vovit, et antequam votum reddiderit, marito traditur: ut significetur votum hujusmodi, etsi per patrem fuerit confirmatum, irritari tamen posse per maritum, simul atque ille audierit: nec immerito: siquidem gravia onera potuerint illo praetextu marito injici per vota ante matrimonium facta, quæ ipse amplecti et subire non tenebatur.

Jam dicta confirmantur ex S. P. Aug., Q. 59 in Numer., ubi ita habet: *Feminam sub patre antequam nubat, et sub viro nuptam noluit lex vovere ita aliquid Deo (irrevocabiliter)... ut in eisdem votis feminæ non prævaleat auctoritas, sed viri: ita et si innuptæ jam*

concesserat pater vota persolvere, si antequam persolverit, nupserit, et viro ejus hoc cognitum non placuerit, non persolvet, et sit omnino sine peccato.

QUÆSTIO II.—AN SCRIPTURA HIC LOQUATUR DE PATRE AUT MARITO IRRITANTE VOTUM, IN QUOD PRIUS CONSENSIT.

Duplex est auctorum expositio circa id quod habetur ¶. 16: *Sin autem contradixerit (scilicet maritus, et idem est respective de patre) postquam rescivit, portabit ipse iniquitatem ejus, scilicet uxoris cuius votum irritavit.*

Prima expositio tenet quod Scriptura agat de parente puellæ, vel de marito, qui cognito voto filie vel uxoris, tacuit tota die; atque ita sua taciturnitate votum reddidit ratum: post illum nihilominus diem repugnat filiae vel uxori, neque vult votum ab illis adimpleri; quo casu Deus liberat filiam vel uxorem a voto.

Quia tamen inique facit parentis vel maritus, impediendo adimpletionem voti, quod suo silentio semel confirmarat: hinc addit Deus, tali casu parentem vel maritum portaturum hanc iniquitatem, scilicet illam, quam contraheret, qui hoc votum non persolveret. Ita Lyranus, Cajetanus, Abulensis, Rabanus, Tirinus et plures alii.

Hanc expositionem pariter amplectitur S. P. Aug., Q. 59 in Numer., ubi ita scribit: *Manifestum est ita voluisse legem feminam esse sub viro ut nulla vota ejus, quæ abstinentia causa voverit, reddantur ab ea, nisi auctor vir fuerit permittendo. Nam cum ad peccatum ejusdem viri pertinere voluerit si prius permiserit, et postea prohibuerit, etiam hic tamen non dixit, ut faciat mulier quod voverat.*

Fundatur haec expositio in versione LXX, qui ¶. 16, ubi nos habemus: *Postquam rescivit, legunt: Post diem in qua audivit, ita ut sensus sit: Maritus debet primo die quo rescit votum uxoris, contradicere, si velit illud irritare.*

Prob. etiam hoc modo: Si maritus primo die contradixisset, atque adeo irritasset uxoris votum, nulla fuisset iniquitas ipsi vel uxori portanda, quia fuisset usus jure suo, sibi a Deo concessus: at vero si posset irritet, non tenebitur quidem uxor, sed ipse voti non adimpleti reus erit.

Secunda expositio existimat sermonem esse de eo qui contradicit, quando potest; sic ut verba illa: *Portabit iniquitatem, sensum conditionatum habeant, nempe si contingat esse culpam aliquam in irritatione, ea non in uxorem, sed in maritum devolutetur.*

Itaque juxta Marium, Jansenium et A Lapide maritus portabit iniquitatem uxoris non adimplentis votum suum, quantumcumque ipse utatur iure suo, quia fieri poterat ut sine justa causa, ac temere votum pium, nihil sibi vel familie sue nocens, irritaret. Hoc autem Deus addidit ad solatium seminarum, quæ cum minori polleant judicio, et affectu potius quam ratione regantur, anxiæ et scrupulosæ esse solent de votis non adimpletis.

Prima expositio magis genuina, et textui conformatior esse videtur. 1. Quia nullibi, ubi vir eodem die contradixerit, dicitur ipse portaturus iniquitatem voti non adimpleti, sed tantum post ¶. 15, qui dicit: *Si audiens vir tacuerit, et in alteram diem distulerit sententiam, quidquid voverat reddet, sequitur ¶. 16: Sin autem contradixerit postquam rescivit, etc.* 2. Quia locutio ¶. 16 est generalis; adeoque si ageretur de illo qui primo die contradicit, nunquam potuisset illud votum ab ipso irritari.

CAPUT XXXI.

Jussu Dei cœduntur Medianitæ, et occiduntur quinque reges eorum, ac omnes masculi; feminae autem, juventa, aurum, argentum, cæteraque ad Moysem adducuntur: ille vero solis virginibus vita donatis, et præda in duas partes divisa, unam bellatoribus, alteram reliquis Israelitæ distribuit, ita tamen ut illi quinagesimam partem sacerdotibus, hi vero quinagesimam levitis darent.

QUÆSTIO UNICA.—DE BELLO CONTRA MEDIANITAS.

Quia tamen inique facit parentis vel maritus, impediendo adimpletionem voti, quod suo silentio semel confirmarat: hinc addit Deus, tali casu parentem vel maritum portaturum hanc iniquitatem, scilicet illam, quam contraheret, qui hoc votum non persolveret.

¶. 4: *Mille viri de singulis tribubus elegantur, ut ex paucitate pugnantium fieret manifestum, quod esset pugna et ultio Domini.*

¶. 5: *Quos misit cum Phinees, quia ille zelosissimus fuerat in inchoanda ultione sceleris istius, quando cap. XXV, 7, occidit medianitidem. Putant A Lapide, Tirinus, Barradius et aiii, Phinees missum esse cum militibus, ut vasa sancta, id est arcum, etc., custodiret, Josue vero fuisse ducem belli hujus. Sed*

R. et dico: Verisimilius est ipsum Phinees fuisse ducem hujus expeditionis, ac particulam et ¶. 6 debere sumi exegit pro id est, hoc modo: *Quos misit Moyses cum Phinees... vasa quoque sancta, et (id est) tubas ad clangendum tradidit ei.*

Prob. I. Quia in textu nulla fit mentio de Josue, et expresse dicuntur illi milites missi cum Phinees.

Prob. II ex Josepho, lib. IV Antiq., cap. 6 in fine, ubi dicit: *Moyses in Medianitas misit exercitum duodecim millium... iisque copiis Phineem præfecit. Idem asserit Philo, lib. I de Vita Moysis.*

Dices cum Tirino: Cur id Josue recens inauguro principi negatum fuisset, cui id ex officio incumbebat ipso maxime præfectura initio, quo concilianda ipsi erat auctoritas apud populum?

R. quod specialis fuerit ratio, ob quam Phinees huic expeditioni præficeretur, tum quia sciebatur Medianitæ maxime infensus, cum filiam principis ipsorum interfecisset, quod Josue non fecerat; tum quia non dubitabatur quin Deus illi magis auxiliatus esset in hoc bello; solet enim Deus quibusdam personis, vel familiis victorias concedere, quas alii eadem de

causa pugnantibus negat, ut in Machabæis patet, I Machab. V, 56 et 62.

¶. 7: *Cumque pugnassent contra Medianitas, atque vicissent, omnes mares occiderunt: qui scilicet erant in Median, quosque pugnando assecuti sunt: Nam aliquos, sive instantis belli auditu rumore, sive jam servente prælio, ex Median in vicina loca fugisse, extra dubium appareat: nam totam gentem Medianitarum non esse deletam, patet ex lib. Judic., cap. VI, ubi Israelitæ gravissima servitute a Medianitis afflicti fuerunt.*

¶. 8: *Et reges eorum, Evi, et Recem, et Sur, et Hur, et Rebe. Hos quinque reges, id est principes Median, pariter trucidarunt, inter quos Sur fuit pater istius medianitidis quam occidit Phinees, cap. XXV, 18.*

Balaam quoque, filium Beor, interfecerunt gladio, in penam iniquissimi consilii, quod dederat Moabitæ. Sed difficultas est quomodo fuerit occisus cum Medianitis, cum cap. XXIV, 25, dicatur: *Surrexit que Balaam, et reversus est in locum suum. Ad quam*

R. ipsum reversum ad aliquod spatium, deinde hæsisse in aliqua parte Medianitidis, et hic locus illius dici potest, ad quem cap. XXIV reversus esse dicitur: nempe ex confiniis et montibus, ex quibus castella Israel prospexerat, ad interiora regni descenderat, et apud amicos adhuc hærebant hospes, inde in Mesopotamiam commodo suo trajecturus: sed divino consilio et prudentia factum est, ut hæsitans in via, cum pereuntibus Medianitis, ipse auctor et architectus totius flagitiæ, simul periret.

Hanc solutionem suggestit S. P. Aug., Q. 61 in Num., dicens: *Non enim dictum est: REVERSUS EST IN DOMUM SUAM, AUT IN PATRISAM SUAM, sed IN LOCUM SUUM. Habet quisque peregrinus locum suum, ubi ad tempus habitat.*

CAP. XXII, XXIII.

Rubenitis, Gaditis, et dimidiæ tribui Manasse conceditur sors trans Jordanem, ea lege, ut cæteras tribus præbeat armati, easque in Chanaan introducant. Mandatur Israelitis ut disperdat gentes Chanaanæas.

QUÆDAM EXPLICANTUR.—Rubenitæ et Gadite vindentes terram Jaser et Galaad, quam ceperant a Sehon et Og, regibus Amorriæorum, esse alendis pecoribus aptissimam, dixerunt Moysi, Eleazar, et principibus:

Cap. XXXII, 5: *Des nobis famulis tuis eam in possessionem, nec facias nos transire Jordanem, scilicet ad illuc habitandum, ut patet ex ¶. 16. Sed Moyses illa verba intelligens quasi non vellent transire Jordanem, præ timore Chanaanæorum, respondet illis:*

¶. 7: *Cur subvertitis mentes filiorum Israel ne transire audeant? sicut fecerunt exploratores quibus Dominus*

¶. 10: *Irratus juravit dicens: ¶. 11: Si videbunt homines isti... Terram, etc. Nonnulli volunt particulam*

si positam esse pro non, ut sit sensus: *Non videbunt homines isti terram.* Alii volunt in hac pharsi agnoscendam esse aposiopesim, id est reticentiam vehementem alicujus subintellecti, ut sit sensus: Si videbunt homines isti terram, supple: *Non sim Deus, aut Non habeo verax; hanc enim vim habent similia jumenta.* Hinc

Nota esse formulam jurandi execratoriam, in qua execratio per ellipsum orationis supprimitur, propter personae jurant reverentiam, de qua horrescit animus aliquid execratorum audire.

¶. 17: Armati et accincti pergemos ad praelium ante filios Israel. Ita Rubenitae et Gaditae, quasi dicant: tantum abest ut metuamus hostes, quin potius primam dimicandi aciem constituere exoptemus.

¶. 21: Et omnis vir bellator (ex vobis) armatus Jordanem transeat; id est, non omnis omnino, sed omnis a me vel Josue designandus: nam quod *¶. 20* omnis non debeat accipi in tota sua latitudine, patet ex eo, quia non poterant tot urbes, quas Rubenitae et Gaditae, et Manassite habebant, et in quibus uxores suas et parvulos, et omnes thesauros suos depositerant, sine necessario praesidio relinqui: nec opus erat tot millia Jordanem trahere.

Imo ex Josue IV, 13, patet vix tertiam partem armatorum, ex duabus his, cum dimidia, tribibus supra cap. XXVI, recensitorum, Jordanem transvisse. Unde, cum ex cap. XXVI constet tribum Ruben et Gad, et dimidiad tribum Manasse complexas fuisse 110,580, et Josue IV, 13, tantum 40,000 ex ipsis deputentur ut transeant Jordanem, sequitur quod manserint 70,580, tum ad praesidium parvolorum et uxorum, tum ad urbes ex parte dirutas et collapsas restaurandas.

Cap. XXXIII, mandavit Deus Israelitis *¶. 51: Quando transieritis Jordanem...* *¶. 52: Disperdite cunctos habitatores terræ illius.* Ratio autem cur illos potius jusserrit excendi quam ad veram religionem perduci, haec dari potest: 1. quia tempus nondum advenierat, quo per gentium nationes lumen fidei diffundendum erat; 2. quia si illi conversi fuissent et non deleti, Iudei terram promissam nunquam accepissent in hereditatem: et sic terra illa Veteris Testamento non fuisset analogia seu figura terræ promise Novi Testamenti, scilicet patriæ celestis; 3. quia cum gratia et veritas per Jesum Christum nondum facta esset, filii Israel ex istarum nationum consortio, plus nocimenti accepissent, quam illæ essent consecuturæ fructus ex annuntiata ipsis vera fide: nam quamvis dubitandum non sit quin saltem aliqui veram fidem sincere suscepissent, tamen juxta illius temporis gratiae efficaciam arcanam, sed semper justam dispensationem, pluri-mi in infidelitate permansissent, et Hebreos perversissent.

Gentes tamen illæ non erant simul et semel delenda, sed paulatim ut patet Exod. XXIII, 29, et Deut. VII, 22, ubi dicitur: *Non poteris eas delere pariter; ne multiplicentur contra te bestie terræ.* Alia datur ratio-

Sap. XII, scilicet ut gentibus illis datum fuisset tempus penitentiae. Hinc factum est ut Josue non deleverit gentes illas, quæ vicinæ erant terminis aliarum nationum, sed tantum quæ occupabant interiora terræ sanctæ: reliquias vero posteris debellandas reliquit.

CAP. XXXIV, XXXV.

Describuntur termini terræ promissæ, et levitis assignantur urbes ad habitandum.

QUESTIO PRIMA.—QUOMODO CONCILIETUR ANTOLOGIA QUE HABETUR IN HEBRAEO CIRCA DIMENSIONEM SUBURBANORUM.

Postquam Deus terminos terræ promissæ designasset, et 48 urbes cum suburbanis, seu agris adjacentibus, levitis assignasset, de suburbanis sub-jungit.

Cap. XXXV, 5: *Quæ a muris civitatum forinsecus per circuitum mille passuum spatio tendentur;* *¶. 5: Contra Orientem duo millia erunt cubiti.* Versus iste quartus et quintus in latino manifestus est: cum enim passus geometricus duos circiter cubitos contineat eo ipso, quo suburbana tenduntur ad mille passus, etiam tenduntur ad duo millia cubitorum. Hinc docet Bonfrerius passum Graecorum fuisse trium pedum, cubitum vero unius pedis et dimidii, atque ita sibi interpres latinus coheret: nam mille passus, et duo millia cubitorum idem sunt. Rursus docet quod passus geometricus romanus fuerit quinque pedum, cubitus vero sacer sit duorum pedum et dimidii; et sic iterum bis mille cubiti sacri faciunt mille passus geometricos romanos.

Sed in hebraico et chaldaico videntur illi versus sibi esse contrarii: siquidem textus hebraicus, *¶. 4,* tantum dat levitis mille amma, id est cubitos, et *¶. 5,* dat bis mille amma, seu cubitos, idque ad quamlibet mundi plagam. Pro hac difficultate concilianda varios modos adinvenerunt interpretes.

1. Lyranus, Vatablus, et R. Salomon putant datos fuisse levitis bis mille cubitos, sed in mille prioribus non licuisse arare, seminare, etc., in posterioribus vero id licuisse. Verum responsio illa conficta videtur, nihilque tale innuit Scriptura: imo levite non exercebant agriculturam.

2. Bonfrerius putat textum hebraicum hic corruptum esse, et ex latino emendandum esse: sed hoc est difficultatem fugere, non solvere.

3. Masius et Serarius in Josue, ille in cap. XIV, hic in cap. XXI, dicunt suburbanæ haec ad quamlibet mundi plagam habuisse tantum mille cubitos, dici tam en eos bis mille; quia si linea recta mille cubitorum ad meridiem, v. g., protendatur in latus oppositum, quod est ad septentrionem, quod etiam est mille cubitorum, erunt bis mille cubiti: ut si, v. g., respectu hujus civitatis Lovaniensis, aliquis haberet mille cubitos ad meridiem, v. g., usque in Heverle, et toto idem ex opposito, v. g., extra portam Mechlinensem, usque ad Montem Rufum, ille haberet cubitos bis mille. Sed

haec solutio videtur adversari textui: nam hic dicit suburbana debere habere bis mille cubitos ad quatuor mundi plagas, tunc autem tantum habuissent a duabus.

4. Cajetanus putat illos bis mille cubitos non significare distantiam suburbanæ a muris urbis, sed spatium circumferentia, quod a quatuor mundi plagis esset, ita scilicet ut tota circuli istius circumferentia contineret octo millia cubitorum, ejus quarta pars esset duorum millium cubitorum, ita ut circulus seu peripheria haec qualibet mundi plaga habuerit bis mille cubitos.

Sic et alii ex mathesi multa afferunt, inquit Marius, de diametri et peripherie proportione, quæsita potius subtiliter, quam ut communibus rerum descriptionibus adhiberi soleant; cum Deus non nisi communibus phrasibus, et dimensionibus utatur in Scriptura.

5. Cornelius A Lapide dicit hanc antilogiam facile conciliari, dicendo quod suburbanæ tantum extensa fuerint ad mille cubitos circumqua, sed qualibet plaga fuerit descripta quasi per triangulum, ita ut duo haberet latera, quorum unumquodque erat mille cubitorum: ac consequenter utrumque latus simul sumptum erat bis mille cubitorum: quia si, v. g., erucem per circulum dueas ad quatuor mundi plagas, orientur quasi quatuor trianguli, quorum conus est in centro ipsius urbis, basis autem in extremo circumferentia, ubi terminantur suburbanæ.

Huius sensui favet textus hebraicus, qui *¶. 5* habet: *Numerabis duo millia in cubito,* ubi dictio hebraica *Amma* per literam *Beth* restringitur: videturque phrasis ista innuere istos bis mille cubitos, non directe in longum, sed lateraliter, nimurum per duo trianguli latera numerandos esse, scilicet quodlibet latus habeat mille cubitos.

Hanc responsionem tanquam probabilem admittit Jansenius: facilius tamen dici potest, inquit, vocem hebraicam *Amma*, *¶. 5*, accipi pro passu, qui duplum unius cubiti spatium comprehendit; in quinto autem accipi pro cubito proprio dicto, idque magis ex natura rei, quam usu vocabulorum; quod ut interpres latinus significaret, ambiguitatem hebraicam, et simul antilogiam vitavit, diversis verbis idem spatium exprimendo.

Dices: In hebraeo tam *¶. 4* quam *5* est eadem vox *Amma*, quæ cubitum significat, non passum; nam passus dicitur *Paam*.

R. Praeterquam quod juxta Eugubinum *Amma* significet etiam passum, Hebreos habuisse diversos cubitos: nam certo habebant cubitum communem; et certo habebant etiam cubitum, quem vocabant *verissimum*, qui continebat cubitum et palmum: dicitur Ezechiel XLIII, 13: *In cubito verissimo, qui habebat cubitum et palmum.* Cur ergo etiam non potuerunt habere cubitos duplices, continentis duos cubitos vulgares?

Sic etiam nos duos diversos passus habemus, scilicet vulgarem, et geometricum. Porro passus vulgaris hominis modestè ambulantis continet pedem et medium, passus vero geometricus continet tres pedes,

saltem in quibusdam territoriis. Idem potuit esse apud Hebreos circa cubitos: unde cum scriptor hebraeus in *¶. 4* posuisset mille cubitos, ne maneret dubium quales cubitos intellexisset, an vulgares, an verissimos, an duplices, videtur in *¶. 5* posuisse bis mille, ut significaret se in *¶. 4* posuisse duplices.

QUESTIO II.—AN LICUERIT JUDAÆ OCCIDERE INTERFECTOREM PROPINQUI SUI, ANTE SENTENTIAM JUDICIS.

Statuit Deus, cap. XXXV, 6, ut sex civitatum leviticarum forent civitates refugii, ad quas fugere poterant, non omnes malefactores, sed illi tantum, qui, *¶. 50, Nolentes sanguinem fuderint:* adeoque in urbibus illis asylum habebant soli homicidæ involuntarii, nempe si quis fortuitu, et absque odio hominem occidisset, ut dicitur *¶. 22.* Quibus addi potest: si quis servato morderamine inculpatæ tutelle occidisset in iustum vitæ aggressorem, furem nocturnum, et in omnibus casibus, quibus Exod. XXI et XXII pronuntiatur percussor non esse reus sanguinis.

¶. 12: In quibus (civitatibus) cum fuerit profugus (homicida) cognatus occisi non poterit eum occidere, donec stet in conspectu multitudinis, et causa illius judicetur: id est, donec judicetur an voluntarie, an involuntarie, vel in casibus supra expressis. Si judicatur in voluntarie occidisse, debebat in urbe refugii manere usque ad mortem pontificis illius temporis: alias poterat cognatus occisi ipsum extra civitatis illius fines occidere; ut patet ex *¶. 27* et *28.* At quid si voluntarie occidisset?

R. Non erat licitum cognatis occisi interficiere homicidam absque alia judicis condemnatione aut sententia: intellige, antequam nondum agitata causa in judicio, occisor ad civitatem refugii pervenisset; vel si postea fines civitatis exivisset.

Prob. Quia fuisse valde inordinatum, et contra omnium juris ordinem, si cujuslibet propinquui judicio fuisse permisum discernere, quis esset occisor voluntarius, quis involuntarius, præsertim apud istum populum ira servidum, vindictæ avidum, et sola terra curantem. Unde si ita licuisset impune alterius cedem privata auctoritate ulcisci, nullus fuisse homicidiorum terminus, inquit Marius.

Et sane si licuerit cognato occisi ita occidere occidorem, cur similiter non potuit cognatus occisoris occisi occidere cognatum primi occisi, et si in infinitum?

Dices: Versu 19 dicitur: *Propinquus occisi homicidam interficiet: statim ut apprehenderit eum, interficiet.* Item *¶. 26: Si interfector extra fines urbi, quæ exilibus deputata sunt, fuerit inventus, et percussus ab eo, qui ulti est sanguinis: absque noxa erit qui eum occiderit.* Ergo, etc.

Resp. verbis S. P. Ang. Q. 65 in Numer. Sic sonat [textus sacer] male intelligentibus, quasi passim et sine judicio datum fuerit ulti mortis propinquui sui jus occidendi ejus interfectorum. Sed hoc intelligi voluit..... quoniam stet in judicium, ne ante inventus a propinquuo occidatur: qua et si nolens occidit, præter illas civitates inventus occiditur. Cum vero ad judicium steterit in